



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

18.07.2019թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ԱՅ-ՆԳ-2019/99

Հայաստանի Հանրապետության գնումների հետ կապված բողոքներ քննող անձը՝ ի դեմս
Գրիգոր Ներսիսյանի,

Մասնակցությամբ՝ Վարչապետի աշխատակազմի ներկայացուցիչ

Ն. Պողոսյանի (լիազորագիր, տրված՝ 28.06.2019թ.)

Լ. Գասպարյանի (լիազորագիր, տրված՝ 28.06.2019թ.)

ուսումնասիրելով Հայաստանի Հանրապետության ֆինանսների նախարարության
19.06.2019թ. թիվ 26/10294-2019 գրությամբ «Ստանդարտների ազգային ինստիտուտ» ՓԲԸ-
ին գնումների գործընթացին մասնակցելու իրավունք չունեցող մասնակիցների ցուցակում
ներառելու նպատակով նախաձեռնված ընթացակարգով ներկայացված հիմքերը՝ պարզեցի
հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ վարչապետի աշխատակազմի (հետայսու նաև՝
Պատվիրատու) 14.06.2019թ. թիվ 02/18.3/27871-2019 գրության հիման վրա, 19.06.2019թ.
թիվ 26/10294-2019 գրությամբ դիմել է ՀՀ գնումների հետ կապված բողոքներ քննող անձին՝
խնդրելով նախաձեռնել «Ստանդարտների ազգային ինստիտուտ» ՓԲԸ-ին (հետայսու նաև՝

Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «Ստանդարտների ազգային ինստիտուտ» ՓԲԸ-ի ներկայացրած փաստարկները և դիրքորոշումը.

«Ստանդարտների ազգային ինստիտուտ» ՓԲԸ-ն Գնումների հետ կապված բողոքներ քննող անձին 02.07.2019թ. ուղղված գրությամբ հայտնել է հետևյալը.

ՀՀ վարչապետի աշխատակազմի կողմից արտադրանքի շուկայում փորձարկման ծառայությունների ձեռքբերման նպատակով ս/թ-ի ապրիլի 26-ին հրապարակվել է ՎԱՇՎՏՄ-ԳՀԾՁԲ-19/6 ծածկագրով գնման ընթացակարգի հրավեր (հետայսու՝ հրավեր): Հրավերում առկա պայմանագրի նախագծի N 1 հավելվածով սահմանված է եղել 5 չափաբաժին, իսկ յուրաքանչյուր չափաբաժնում նշված է եղել փորձարկման ենթակա արտադրանքի անվանումը փորձանմուշների քանակը, փորձարկումների տեսակները, ինչպես նաև պահանջ, որ փորձարկումն իրականացնող մարմինը պետք է հավատարմագրված և նշանակված լինի համաձայն՝ հավատարմագրման մասին օրենքի և 2012թ. սեպտեմբերի 6-ի կառավարության 1201-Ն որոշման: Տվյալ պարագայում, քանի որ ծառայությունների ձեռքբերման ընթացակարգերի կիրառման դեպքում օրենսդիրը չի սահմանել հնարավորություն մասնակիցների համար՝ ներկայացնելու իրենց կողմից առաջարկվող տեխնիկական բնութագրերը և հետագա անցանկալի զարգացումներից խուսափելու ակնկալիքով՝ ընկերության կողմից ներկայացված գնային առաջարկի /գործում առկա է/ «ծառայության անվանումը» դաշտում նշվել է յուրաքանչյուր չափաբաժնի մասով այն փորձարկումների տեսակները, որոնց համար Ընկերությունը վերը նշված իրավանորմերի համաձայն հավատարմագրված է և նշանակված ու հնարավորությունն ունի իրականացնելու: Նման քայլով Ընկերությունն ակնկալել է, որ Պատվիրատուն կամ կմերժի Ընկերության կողմից ներկայացված գնային առաջարկը՝ հաշվի առնելով, որ Ընկերության կողմից առաջարկվում է Հրավերի պայմանագրի նախագծի N 1 հավելվածով սահմանված տեխնիկական բնութագիր-գնման ժամանակացույցով առաջարկված տեխնիկական բնութագրից տարբերվող տեխնիկական բնութագիր, իսկ չափաբաժինների անվանումները

չեն համապատասխանում հրավերով սահմանված չափաբաժինների անվանումներին և փաստացի Ընկերության կողմից առաջարկվել է այլ ծառայության տեսակ կամ Պատվիրատուն կրնդունի Ընկերության առաջարկը տվյալ փորձարկումների մասով և հետագայում պայմանագիրը կնքվի միայն առաջարկված փորձարկումների տեսակների իրականացման համար:

Արդյունքում Պատվիրատուի կողմից Ընկերությունը չճանաչվել է 1-ին տեղ զբաղեցրած, իսկ այնուհետև նաև ընտրված մասնակից, ինչով փաստացի Պատվիրատուն ընդունել է Ընկերության կողմից ներկայացված առաջարկը:

Ինչից հետո Պատվիրատուն առաջարկել է Ընկերությանը կնքել պայմանագիր՝ ներկայացնելով պայմանագրի նախագծի մի տարբերակ, որում ներառված են եղել ի սկզբանե հրավերի պայմանագրի նախագծի N 1 հավելվածով սահմանված տեխնիկական բնութագիր-գնման ժամանակացույցով նախատեսված բոլոր տեսակի փորձարկումները՝ չնայած այն բանի, որ Ընկերությունը իր կողմից ներկայացված առաջարկում հստակ նշել էր փորձարկումների այն տեսակները, որոնք վերջինս իրավասու էր իրականացնելու:

Ընկերությունը, ստանալով վերը նշված պայմանագրի նախագիծը, խմբագրել է այն, պայմանագրի տեխնիկական բնութագիր-գնման ժամանակացույցում սահմանելով միայն այն տեսակի փորձարկումները, որոնց համար Ընկերության կողմից ներկայացվել էր գնային առաջարկ, ստորագրել այն և ներկայացրել Պատվիրատուին: Սակայն Պատվիրատուի կողմից այն մերժվել է, ինչը գտնում ենք, որ իրավաչափ չէ: Եթե Պատվիրատուն ի սկզբանե համաձայն չի եղել Ընկերության կողմից ներկայացված առաջարկին, ապա նա ուներ բոլոր իրավական լծակները (<< կառավարության 2017թ.-ի հունիսի 1-ի թիվ 526-Ն որոշման 1-ին կետով հաստատված կարգի 41-րդ կետ)՝ մերժելու Ընկերության կողմից ներկայացված առաջարկը՝ առանց Ընկերությանը նման իրավիճակում զցելու:

Ընկերությունը գտնում է, որ բացակայում են «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերը, մասնավորապես՝ Ընկերությունը չի հրաժարվել կնքել պայմանագիր, այլ նա համաձայն է կնքել պայմանագիր իր կողմից նախապես ներկայացված պայմաններով, որոնք, ընդունվել են Պատվիրատուի կողմից:

Ելնելով վերոգրյալից՝ Ընկերությունը խնդրել է «Ստանդարտների ազգային ինստիտուտ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգը մերժել:

Ընկերությունը, պատշաճ ծանուցված լինելով ՍՑ-ՆԳ-2019/99 ընթացակարգի շրջանակներում 28.06.2019թ. ժամը 10:35-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

3. Վարչապետի աշխատակազմի կողմից ներկայացված փաստարկները և դիրքորոշումը.

Վարչապետի աշխատակազմը (հետայսու նաև՝ Պատվիրատու) ՀՀ ֆինանսների նախարարությանն ուղղված 14.06.2019թ. թիվ 02/18.3/27871-2019 գրությամբ հայտնել է, որ Վարչապետի աշխատակազմը Հայաստանի Հանրապետության կառավարության ենթակա շուկայի վերահսկողության տեսչական մարմնի կարիքների համար արտադրանքի շուկայում փորձարկման ծառայությունների ձեռքբերման նպատակով ս.թ. ապրիլի 26-ին հայտարարել է «ՎԱՇՎՏՄ-ԳՀԾՁԲ-19/6» ծածկագրով ընթացակարգ, որի արդյունքում ընտրված մասնակից է ճանաչվել «Ստանդարտների ազգային ինստիտուտ» ՓԲԸ-ն (այսուհետ՝ Ընկերություն): Սակայն, ընկերության կողմից ստորագրված և պատվիրատուին ներկայացված պայմանագրի նախագծում գնվող ծառայությունների տեխնիկական բնութագրերը չեն համապատասխանել ընթացակարգի հրավերով նախատեսված բնութագրերին, ինչի արդյունքում պատվիրատուն այն վերադարձրել է ընկերությանը՝ առաջարկելով շտկել անհամապատասխանությունը: «Գնումների մասին» ՀՀ օրենքի 36-րդ հոդվածի 3-րդ կետով սահմանված ժամանակահատվածում Ընկերությունը չի ներկայացրել ճշտված պայմանագիրը:

Հիմք ընդունելով «Գնումների մասին» ՀՀ օրենքի 36-րդ հոդվածի 3-րդ և 4-րդ կետերը, Ընկերությունը զրկվել է «ՎԱՇՎՏՄ-ԳՀԾՁԲ-19/6-1» ծածկագրով պայմանագիրը ստորագրելու իրավունքից:

Պատվիրատուն, պատշաճ ծանուցված լինելով ՍՑ-ՆԳ-2019/99 ընթացակարգի շրջանակներում 28.06.2019թ. ժամը 10:35-ին հրավիրված նիստի վերաբերյալ, ապահովել է իր ներկայացուցիչների մասնակցությունը:

4. ՍՑ-ՆԳ-2019/99 ընթացակարգի քննության համար էական նշանակություն ունեցող փաստերը.

1. ՍՑ-ՆԳ-2019/99 ընթացակարգի քննության համար էական նշանակություն ունեն հետևյալ փաստերը.

2. Վարչապետի աշխատակազմի կողմից Վարչապետի աշխատակազմի կարիքների արտադրանքի շուկայում փորձարկման ծառայությունների ձեռքբերման համար հայտարարվել է «ՎԱՇՎՏՄ-ԳՀԾՁԲ-19/6» ծածկագրով գնանշման հարցման ընթացակարգ (հետայսու նաև՝ Ընթացակարգ), որին մասնակցելու նպատակով հայտ է ներկայացրել «Ստանդարտների ազգային ինստիտուտ» ՓԲԸ-ն:

3. «Ստանդարտների ազգային ինստիտուտ» ՓԲԸ-ն հայտի թիվ 4 հավելվածով Ընթացակարգի 2-րդ, 3-րդ և 5-րդ չափաբաժինների համար ներկայացրել է հետևյալ գնային առաջարկը

2. Հ	Ծառայության անվանումը	Արժեքը (ինքնարժեքի և կանխատեսվող շահույթի հանրագումարը) /տառերով և թվերով/	ԱԱՀ** /տառերով և թվերով/	Ընդհանուր գինը /տառերով և թվերով/
1	2	3	4	5=3+4
2	<p>Խաղալիքների 40 փորձանմուշի փորձարկում /հետևյալ ցուցանիշների համար դ.-Նյութեր/ -մինչև 3 տարեկան երեխաների համար մինչև 3 տարեկան երեխաների համար նախատեսված խաղալիքներում բնական մորթու, բնական կաշվի, ապակու, ճենապակու, խավավորված ռետինի, ստվարաթղթի և թղթի, առանց ներքին ծածկոցի 3 մմ և պակաս չափսի խճուժման հատիկների առկայության որոշում և</p>	<p>713 333.33 (յոթ հարյուր տասներեք հազար երեք հարյուր երեսուներեք դրամ երեսուներեք լումա)</p>	<p>142 666.67 (հարյուր քառասուներկու հազար վեց հարյուր վաթսուներեք դրամ վաթսունյոթ լումա)</p>	<p>856 000 (Ութ հարյուր հիսունվեց հազար)</p>

	<p>չխկչխկան խաղալիքներին նման խաղալիքների լցանյութերի որոշում Ը-քիմիական հատկություններ -խաղալիքների օգտագործման ժամանակ քիմիական նյութերի առողջությանը վնաս հասցնելու ռիսկի որոշումը (շնչուղիներ, մաշկի, լորձաթաղանթի, աչքերի կամ ստամոքսի մեջ ընկնելու հետևանքով);</p> <p>խաղալիքներից քիմիական նյութերի միգրացիայի մակարդակի և արտազատման որոշում:</p>			
3	<p>Օծանելիքակոսմետիկական արտադրանքի 24 փորձանմուշի փորձարկում</p> <p>Հետևյալ ցուցանիշների համար ք.Ֆիզիկաքիմիական ցուցանիշների որոշում;</p> <p>գ.Մանրէաբանական ցուցանիշների որոշում;</p> <p>դ.Թունավոր տարրերի պարունակության որոշում;</p>	498 000 (չորս հարյուր իննսուներեք հազար)	99 600 (իննսունինը հազար վեց հարյուր)	597 600 (հինգ հարյուր իննսունյոթ հազար վեց հարյուր)
5	<p>Դիզելային վառելիքի 40 փորձանմուշի փորձարկում /հետևյալ ցուցանիշների համար՝</p> <p>1.Ցեղանային թիվը</p> <p>2. Ծծմբի զանգվածային մասը</p> <p>3. Բռնկման ջերմաստիճանը փակ հալքանոթում</p> <p>4. Ֆրակցիոն կազմը</p>	1 660 000 (մեկ միլիոն վեց հարյուր երեսուներկու հազար)	332 000 (երեք հարյուր երեսուներկու հազար)	1 992 000 (մեկ միլիոն ինը հարյուր իննսուներկու հազար)

4. Ընթացակարգի գնահատող հանձնաժողովի 08.05.2019թ. ժամը 12:00-ի նիստի թիվ 2 արձանագրությամբ կայացված որոշմամբ՝ որպես հրավերի պահանջների նկատմամբ բավարար գնահատված հայտ և նվազագույն գնային առաջարկ ներկայացրած միակ մասնակից «Ստանդարտների ազգային ինստիտուտ» ՓԲԸ-ն Ընթացակարգի 2-րդ, 3-րդ և 5-րդ չափաբաժինների մասով ճանաչվել է առաջին տեղ զբաղեցրած մասնակից:

5. Ընթացակարգի գնահատող հանձնաժողովի 15.05.2019թ. ժամը 10:00-ի նիստի թիվ 3 արձանագրության համաձայն՝ Ընկերությունը ճանաչվել է ընտրված մասնակից:

6. Նույն արձանագրությամբ կայացված որոշմամբ որոշվել է «Ստանդարտների ազգային ինստիտուտ» ՓԲԸ-ի հետ համապատասխան չափաբաժինների մասով կնքել պայմանագիր:

7. Ընթացակարգի գնահատող հանձնաժողովը 06.06.2019թ. ժամը 10:00-ի նիստի թիվ 4 արձանագրությամբ արձանագրել է, որ «Ստանդարտների ազգային ինստիտուտ» ՓԲԸ-ին 20.05.2019թ. էլեկտրոնային ծանուցմամբ ներկայացվել է ՎԱՇՎՏՄ-ԳՀԾՁԲ-19/6-1 ծածկագրով պայմանագիր կնքելու առաջարկը և պայմանագրի նախագիծը:

8. Նույն արձանագրությամբ արձանագրվել է, որ «Ստանդարտների ազգային ինստիտուտ» ՓԲԸ-ի կողմից 31.05.2019թ. ներկայացվել են ՎԱՇՎՏՄ-ԳՀԾՁԲ-19/6-1 ծածկագրով պայմանագրի ապահովումը և ստորագրված, կնքված պայմանագրի երկու օրինակ, որոնց տեխնիկական բնութագրերը չեն համապատասխանում իրավերով սահմանված տեխնիկական բնութագրերին, ուստի հիմք ընդունելով Օրենքի 36-րդ հոդվածի 4-րդ կետը պայմանագիրը չի ընդունվել և մասնակցին առաջարկվել է շտկել պայմանագրի անհամապատասխանությունները, սակայն սահմանված ժամկետում Ընկերությունը չի ներկայացրել շտկված պայմանագիր:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ՝ Գրիգոր Ներսիսյանս, ուսումնասիրելով ՀՀ ֆինանսների նախարարության 19.06.2019թ. թիվ 26/10294-2019 գրությունը, Վարչապետի աշխատակազմի 14.06.2019թ. թիվ 02/18.3/27871-2019 գրությունը՝ կից փաստաթղթերով, «Ստանդարտների ազգային ինստիտուտ» ՓԲԸ-ի 02.07.2019թ. գրությունը, հայտնում են հետևյալը.

«Գնումների մասին» ՀՀ օրենքի (հետայսու նաև՝ Օրենք) Օրենքի 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը

ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (հետայսու նաև՝ Կարգ) 32-րդ կետի 1-ին ենթակետի համաձայն՝ հրավերով նախատեսվում է նաև, որ մասնակիցը հայտով ներկայացնում է՝ իր կողմից հաստատված հայտարարություն՝ հրավերով սահմանված մասնակցության իրավունքի և որակավորման չափանիշներին իր համապատասխանության մասին:

Օրենքի 34-րդ հոդվածի 1-ին և 2-րդ մասերի համաձայն՝

1. հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանած դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ և դրանց հարաբերական կշիռները ներկայացվեն հրավերի մեջ:

Օրենքի 34-րդ հոդվածի 5-րդ մասի 1-ին և 2-րդ կետերի համաձայն՝

1) առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

2) հանձնաժողովը գնահատում է սույն մասի 1-ին կետի համաձայն **ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին**, և հրավերով սահմանված դեպքերում ու կարգով գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը:

Նույն հոդվածի 6-րդ կետի համաձայն՝ **հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները**: Նման դեպքում մասնակիցը հայտարարվում է ընտրված:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 1-ին ենթակետի «զ» պարբերության համաձայն՝ հրավերով նախատեսվում է նաև, որ մասնակիցը հայտով ներկայացնում է ապրանքների գնման դեպքում իր կողմից հաստատված հայտարարություն՝ առաջարկվող ապրանքի՝ հրավերով նախատեսված տեխնիկական բնութագրերին համապատասխանության վերաբերյալ՝ պայմանով, որ առաջին տեղն զբաղեցրած մասնակից ճանաչվելու դեպքում հրավերով սահմանված կարգով ներկայացնում է նաև

առաջարկվող ապրանքային նշանն արտադրողի անվանումը, ծագման երկիրը, ապրանքի տեխնիկական բնութագրերը (այսուհետ՝ ապրանքի ամբողջական նկարագիր):

Կարգի 32-րդ կետի 2-րդ ենթակետի համաձայն՝ հրավերով նախատեսվում է նաև, որ՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, ***մասնակցի հայտը ենթակա չէ մերժման***, եթե՝

ա. գնային առաջարկի արժեք և ավելացված արժեքի հարկ սյունակները լրացված են միայն թվերով, իսկ ընդհանուր գնի սյունակը՝ և տառերով և թվերով կամ միայն տառերով,

բ. գնային առաջարկի արժեք և ավելացված արժեքի հարկ սյունակներում տառերով կամ թվերով նշված գումարների միջև առկա է անհամապատասխանություն, սակայն տառերով կամ թվերով նշված գումարներից որևէ մեկի հանրագումարը համապատասխանում է ընդհանուր գնի սյունակում տառերով նշված գումարին.

գ. ***մասնակցի գնային առաջարկում չափաբաժնի համարը սխալ է նշված, սակայն գնման առարկայի անվանումը ճիշտ է լրացված:***

Ընթացակարգի հրավերի ՄԱՍ 1-ի 7-րդ կետի 7.2 ենթակետի համաձայն՝ հայտերը գնահատվում են սույն հրավերով սահմանված կարգով: Բավարար են գնահատվում սույն հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են: Ընդ որում հայտերի բացման նիստում հանձնաժողովը մերժում է այն հայտերը, որոնցում բացակայում է գնային առաջարկը կամ ***գնային առաջարկը ներկայացված է հրավերի պահանջներին անհամապատասխան:***

Նույն կետի 7.19 ենթակետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են

անհամապատասխանություններ՝ հրավերի պահանջների նկատմամբ, **բացառությամբ այն դեպքերի**, երբ հայտում բացակայում է գնային առաջարկը կամ **գնային առաջարկը ներկայացված է հրավերի պահանջներին անհամապատասխան**, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Ընթացակարգի հրավերի 8-րդ կետի 8.7-րդ ենթակետի համաձայն՝ մինչև սույն հրավերի 1-ին մասի 8.5 կետով նախատեսված ժամկետի ավարտը, կողմերի համաձայնությամբ, կարող են պայմանագրի նախագծում կատարվել փոփոխություններ, սակայն **դրանք չեն կարող հանգեցնել գնման առարկայի բնութագրերի փոփոխմանը, ներառյալ ընտրված մասնակցի առաջարկած գնի ավելացմանը:**

Վարչապետի աշխատակազմի կողմից Վարչապետի աշխատակազմի կարիքների արտադրանքի շուկայում փորձարկման ծառայությունների ձեռքբերման համար հայտարարվել է «ՎԱՇՎՏՄ-ԳՀԾԶԲ-19/6» ծածկագրով գնանշման հարցման ընթացակարգ:

Ընթացակարգի հրավերի պայմանագրի նախագծի հավելված 1-ով՝ տեխնիկական բնութագիր-գնման ժամանակացույցով (այսուհետ՝ Տեխնիկական բնութագիր) գնման ենթակա ծառայությունները՝ 2-ին, 3-րդ և 5-րդ չափաբաժինների համար, ներկայացված են հետևյալ տեսքով.

Ձ.Հ.	տեխնիկական բնութագիրը
2.	<p style="text-align: center;">Խաղալիքների 40 փորձանմուշի փորձարկում</p> <p>1. Փորձարկման իրականացում՝ Եվրասիական տնտեսական միության հանձնաժողովի 2011 թվականի սեպտեմբերի 23-ի թիվ 798 որոշմամբ հաստատված «Խաղալիքների անվտանգության մասին» ՄՄ ՏԿ 008/2011 տեխնիկական կանոնակարգի պահանջներին համապատասխան:</p> <p>2. Ներկայացվող պահանջները, ըստ՝</p> <p>ա. Խաղալիքների անվտանգությունը՝ պայմանավորված կիրառվող նյութերի:</p> <p>բ. Խաղալիքների անվտանգությունը՝ կապված խաղալիքի օգտագործման հետ:</p> <p>գ. Ֆիզիկական և մեխանիկական հատկությունները՝</p> <ul style="list-style-type: none"> - խաղալիքներում լազերային ճառագայթման համակարգերի առկայություն; - խաղալիքների և դրա բաղադրիչ մասերի, ներառյալ ամրակման դետալները, դիմակայունության որոշում; - փափուկ լցվածքով խաղալիքների կարերի ամրության որոշում; - ջրի մակերևութին երեխայի մարմինը պահելու համար նախատեսված խաղալիքի հերմետիկություն, ամրության որոշում;

- երեխայի զանգվածը տանող և երթևեկության համար նախատեսված խաղալիքի ամրության և կայունության որոշում (բացի երկանիվ հեծանիվներից);
- արձակման մեխանիզմի օգնությամբ արտանետվող սարքով խաղալիքի, ինչպես նաև կինետիկական էներգիա ունեցող սարքի ազդեցության վորոշում (երեխայի և (կամ) նրան հսկող անձին վնասվածքներ պատճառելու տեսանկյունից);
- տաքացնող տարրեր պարունակող խաղալիքի շփման համար մատչելի բոլոր մակերևույթների ջերմաստիճանի որոշում;
- տաքացնող տարրեր պարունակող խաղալիքի ինֆրակարմիր ճառագայթման ինտեգրալ հոսքի ուժգնության մակարդակի որոշում;
- խաղալիքում պարունակվող հեղուկների, գոլորշիների կամ գազերի հեռացման դեպքում ջերմաստիճանի կամ ճնշման արժեքների որոշում;
- օպտիկական խաղալիքի երեխայի տեսողության վրա ազդեցության որոշում;
- երեխայի տեսողական օրգանների վրա լուսադիոդների օգտագործմամբ խաղալիքների ազդեցության որոշում:

դ. Նյութեր՝

- խաղալիքներում օգտագործվող նյութերում աղտոտումների առկայությունը և վարակազերծությունը;
- մինչև 3 տարեկան երեխաների համար նախատեսված խաղալիքներում բնական մորթու, բնական կաշվի, ապակու, ճենապակու, խավավորված ռետինի, ստվարաթղթի և թղթի, առանց ներքին ծածկոցի 3 մմ և պակաս չափսի խծուծման հատիկների առկայության որոշում և չխկնկնական խաղալիքներին նման խաղալիքների լցանյութերի որոշում;
- մինչև 3 տարեկան երեխաների համար նախատեսված խաղալիքներում 1-ին դասի վտանգավորության քիմիական նյութերի միգրացիայի որոշում;
- խաղալիքներում գործածության մեջ եղած նյութերի կրկնակի վերամշակման արդյունքում ստացված երկրորդային հումքի կիրառման որոշում;
- խաղալիքների պաշտպանիչ-դեկորատիվ ծածկույթի կայունության որոշումը՝ խոնավ մշակման, թքի և քրտինքի ազդեցության նկատմամբ;
- խաղալիքների անվտանգության որոշում (նախագծվածության և պատրաստվածության տեսանկյունից):

ե. Չգայորոշման ցուցանիշները՝

- Խաղալիքների հիգիենիկ անվտանգության չգայորոշման ցուցանիշների որոշում;

զ. Ֆիզկական գործոնները՝

- թրթռման աղբյուր ունեցող խաղալիքներում տեղային թրթռման մակարդակի որոշում;
- հնչյունավորված խաղալիքներում ձայնի մակարդակի որոշում:

է. Բոցավառելիություն՝

- հրդեհասանվտանգության որոշում (փափուկ լցվածքով խաղալիքների, կառնավալային կոստյումների և կառնավալային խաղալիքային արտադրատեսակների (օրինակ՝ մորուքները, բեղերը, կեղծամները, դիմակները, թագերը), ինչպես նաև այն խաղալիքների, որոնցում կարող է տեղավորվել երեխան);
- քիմիական նյութեր ներառող և քիմիական փորձերի համար նախատեսված լրակազմերին չվերաբերող խաղային լրակազմում պարունակվող նյութերի կամ ռեակտիվների (որոնք խառնման դեպքում կարող են բոցավառվել, ինչպես նաև առաջացնել վնասակար գոլորշիներ կամ գազեր) առկայության որոշում;
- խաղալիքի պայթյունավտանգության որոշում;
- խաղալիքներում, ներառյալ քիմիական խաղալիքները, տաքացման, ինչպես նաև օքսիդացնող նյութերի հետ միացնելու դեպքում առաջացող ռեակցիայի հետևանքով պայթուցիկ խառնուրդներ առաջացնող նյութերի առկայության որոշում;

	<p>- խաղալիքներում, ներառյալ քիմիական խաղալիքները, օդի հետ գոլորշիների բոցավառվող կամ պայթյունավտանգ խառնուրդներ առաջացնող նյութերի առկայության որոշում:</p> <p>ը. Քիմիական հատկությունները</p> <p>- խաղալիքների օգտագործման ժամանակ քիմիական նյութերի առողջությանը վնաս հասցնելու ռիսկի որոշումը (շնչուղիներ, մաշկի, լորձաթաղանթի, աչքերի կամ ստամոքսի մեջ ընկնելու հետևանքով);</p> <p>- խաղալիքներից քիմիական նյութերի միգրացիայի մակարդակի և արտազատման որոշում:</p> <p>թ. Թունաբանահիգիենիկ ցուցանիշները՝</p> <p>- խաղալիքների հիգիենիկ անվտանգության թունաբանահիգիենիկ ցուցանիշների որոշում:</p> <p>ժ. Էլեկտրական հատկությունները՝</p> <p>- էլեկտրական խաղալիքում, ինչպես նաև դրա բաղադրիչ մասերի վրա անվանական լարման ցուցանիշների որոշում;</p> <p>- էլեկտրական էներգիայի աղբյուրի հետ շփվող կամ շփվելու կարողություն ունեցող խաղալիքների դետալների, ինչպես նաև մալուխների, հաղորդալարերի մեկուսացվածության և մեխանիկորեն պաշտպանվածության որոշում (էլեկտրական հոսանքով վնասվելու ռիսկը բացառելու նպատակով);</p> <p>- ռադիոկառավարվող, էլեկտրոնային և էլեկտրատեխնիկական խաղալիքների էլեկտրաստատիկ, էլեկտրամագնիսական և էլեկտրական դաշտերի լարման մակարդակների որոշում:</p> <p>ի. Ճառագայթային անվտանգություն՝</p> <p>- բնական մետաղներից պատրաստված խաղալիքների ճառագայթային անվտանգության ցուցանիշների որոշում (բնական ռադիոնուկլիդների տեսակարար արդյունավետ ակտիվություն):</p> <p>լ. Միկրոկենսաբանական ցուցանիշները</p> <p>- խաղալիքների հիգիենիկ անվտանգության միկրոկենսաբանական ցուցանիշների որոշում:</p> <p>3. Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4. Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>
3.	<p><i>Օծանելիքակոսմետիկական արտադրանքի 24 փորձանմուշի փորձարկում</i></p> <p>1. Փորձարկման իրականացում՝ Եվրասիական տնտեսական միության հանձնաժողովի 2011 թվականի սեպտեմբերի 23–ի թիվ 799 որոշմամբ հաստատված «Օծանելիքակոսմետիկական արտադրանքի անվտանգության մասին» ՄՄ ՏԿ 009/2011 տեխնիկական կանոնակարգի պահանջներին համապատասխան:</p> <p>2. Ներկայացվող պահանջները, ըստ՝</p> <p>ա. Բաղադրության որոշում;</p> <p>բ. Ֆիզիկաքիմիական ցուցանիշների որոշում;</p> <p>գ. Մանրէաբանական ցուցանիշների որոշում;</p>

	<p>դ. Թունավոր տարրերի պարունակության որոշում;</p> <p>ե. Թունաբանական ցուցանիշների որոշում;</p> <p>զ. Կլինիկական (կլինիկալաբորատոր) ցուցանիշների որոշում:</p> <p>3. Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4. Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>
<p>5.</p>	<p style="text-align: center;">Դիզելային վառելիքի 40 փորձանուշի փորձարկում</p> <p>Ցետանային թիվը 51-ից ոչ պակաս և 2000մգ/կգ-ից ոչ ավելի ծծմբի զանգվածային մասով և առանց <<յուղման ունակություն>> և <<պոլիցիկլիկ արոմատիկ ածխաջրածինների զանգվածային մաս>> ցուցանիշների նորմավորման: ծծմբի զանգվածային մասը, ոչ ավելի 10մգ/կգ-ից, բռնկման ջերմաստիճանը փակ հալքանոթում, ոչ ցածր 55 C-ից, ֆրակցիոն կազմը՝ ծավալայինների 95 տոկոսը թորվում է ջերմաստիճանային պայմաններում, ոչ բարձր 360 C-ից, պոլիցիկլիկ արոմատիկ ածխաջրածինների զանգվածային մասը, ոչ ավելի 8%, յուղման ունակությունը, ոչ ավելի 460 մկմից, դիզելային վառելիքում թույլատրվում է ճարպաթթուների մեթիլային եթերների պարունակությունը ոչ ավելի քան 7% (ըստ ծավալի):</p> <p>Դիզելային վառելիքում չի թույլատրվում մետաղ պարունակող հավելանյութերի օգտագործումը՝ բացառությամբ հակաստատիկ հավելանյութերի: Անվտանգությունը, մակնշումը և փաթեթավորումը՝ ըստ Մաքսային միության հանձնաժողովի 2011թվականի հոկտեմբերի 18-ի թիվ 826 որոշմամբ հաստատված ՄՄ ՏԿ 013/2011 կանոնակարգի <<Ավտոմոբիլային եւ ավիացիոն բենզինին, դիզելային եւ նավերի համար նախատեսված վառելիքին, ռեակտիվ շարժիչների համար նախատեսված վառելիքին եւ մագուիթին ներկայացվող պահանջների մասին>>:</p> <p>3. Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4. Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>

Ընթացակարգին մասնակցելու նպատակով հայտ է ներկայացրել «Ստանդարտների ազգային ինստիտուտ» ՓԲԸ-ն, ով հայտի թիվ 4 հավելվածով Ընթացակարգի 2-րդ, 3-րդ և 5-րդ չափաբաժինների համար ներկայացրել է հետևյալ գնային առաջարկը

2. Հ	Ծառայության անվանումը	Արժեքը (ինքնարժեքի և կանխատեսվող շահույթի հանրագումարը) /տառերով և թվերով/	ԱԱՀ** /տառերով և թվերով/	Ընդհանուր գինը /տառերով և թվերով/
1	2	3	4	5=3+4
2	<p>Խաղալիքների 40 փորձանմուշի փորձարկում /հետևյալ ցուցանիշների համար դ.-Նյութեր/ -մինչև 3 տարեկան երեխաների համար մինչև 3 տարեկան երեխաների համար նախատեսված խաղալիքներում բնական մորթու, բնական կաշվի, ապակու, ճենապակու, խավավորված ռետինի, ստվարաթղթի և թղթի, առանց ներքին ծածկոցի 3 մմ և պակաս չափսի խճուժման հատիկների առկայության որոշում և չխկնչական խաղալիքներին նման խաղալիքների լցանյութերի որոշում</p> <p>Ը-քիմիական հատկություններ -խաղալիքների օգտագործման ժամանակ քիմիական նյութերի առողջությանը վնաս հասցնելու ռիսկի որոշումը (շնչուղիներ, մաշկի, լորձաթաղանթի, աչքերի կամ ստամոքսի մեջ ընկնելու հետևանքով); խաղալիքներից քիմիական նյութերի միգրացիայի մակարդակի և արտազատման որոշում:</p>	713 333.33 (յոթ հարյուր տասներեք հազար երեք հարյուր երեսուներեք դրամ երեսուներեք լումա)	142 666.67 (հարյուր քառասուներկու հազար վեց հարյուր վաթսունվեց դրամ վաթսունյոթ լումա)	856 000 (Ութ հարյուր հիսունվեց հազար)
3	<p>Օծանելիքակոսմետիկական արտադրանքի 24 փորձանմուշի փորձարկում Հետևյալ ցուցանիշների համար բ.Ֆիզիկաքիմիական ցուցանիշների որոշում; գ.Մանրէաբանական ցուցանիշների</p>	498 000 (չորս հարյուր իննսունութ հազար)	99 600 (իննսունինը հազար վեց հարյուր)	597 600 (հինգ հարյուր իննսունյոթ հազար վեց հարյուր)

	որոշում; դ.Թունավոր տարրերի պարունակության որոշում;			
5	Դիզելային վառելիքի 40 փորձանմուշի փորձարկում /հերկյալ ցուցանիշների համար՝ 1.Ցեփանային թիվը 2. Ծծմբի զանգվածային մասը 3. Բռնկման ջերմաստիճանը փակ հալքանոթում 4. Ֆրակցիոն կազմը	1 660 000 (մեկ միլիոն վեց հարյուր երեսուներկու հազար)	332 000 (երեք հարյուր երեսուներկու հազար)	1 992 000 (մեկ միլիոն ինը հարյուր իննսուներկու հազար)

Ընթացակարգի գնահատող հանձնաժողովի 08.05.2019թ. ժամը 12:00-ի նիստի թիվ 2 արձանագրությամբ կայացված որոշմամբ՝ որպես հրավերի պահանջների նկատմամբ բավարար գնահատված հայտ և նվազագույն գնային առաջարկ ներկայացրած միակ մասնակից «Ստանդարտների ազգային ինստիտուտ» ՓԲԸ-ն Ընթացակարգի 2-րդ, 3-րդ և 5-րդ չափաբաժինների մասով ճանաչվել է առաջին տեղ զբաղեցրած մասնակից:

Ընթացակարգի գնահատող հանձնաժողովի 15.05.2019թ. ժամը 10:00-ի նիստի թիվ 3 արձանագրության համաձայն՝ Ընկերությունը ճանաչվել է ընտրված մասնակից:

Նույն արձանագրությամբ կայացված որոշմամբ որոշվել է «Ստանդարտների ազգային ինստիտուտ» ՓԲԸ-ի հետ համապատասխան չափաբաժինների մասով կնքել պայմանագիր:

Ընթացակարգի գնահատող հանձնաժողովը 06.06.2019թ. ժամը 10:00-ի նիստի թիվ 4 արձանագրությամբ արձանագրել է, որ «Ստանդարտների ազգային ինստիտուտ» ՓԲԸ-ին 20.05.2019թ. էլեկտրոնային ծանուցմամբ ներկայացվել է ՎԱՇՎՏՄ-ԳՀԾՁԲ-19/6-1 ծածկագրով պայմանագիր կնքելու առաջարկը և պայմանագրի նախագիծը:

«Ստանդարտների ազգային ինստիտուտ» ՓԲԸ-ի կողմից 31.05.2019թ. ստորագրված և կնքված Պատվիրատուին է ներկայացվել պայմանագրի նախագիծը, որի N 1 Հավելվածով՝ թիվ 2-րդ, 3-րդ և 5-րդ չափաբաժինների համար, տեխնիկական բնութագիրը ներկայացվել է հետևյալ տեսքով

2. Հ	Ծառայության անվանումը
1	2
2	<p>խաղալիքների 40 փորձանմուշի փորձարկում /հետևյալ ցուցանիշների համար դ.-Նյութեր/</p> <p>-մինչև 3 տարեկան երեխաների համար մինչև 3 տարեկան երեխաների համար նախատեսված խաղալիքներում բնական մորթու, բնական կաշվի, ապակու, ճենապակու, խավավորված ռետինի, ստվարաթղթի և թղթի, առանց ներքին ծածկոցի 3 մմ և պակաս չափսի խճուժման հատիկների առկայության որոշում և չխկնչվելու խաղալիքներին նման խաղալիքների լցանյութերի որոշում</p> <p>քիմիական հատկություններ</p> <p>-խաղալիքների օգտագործման ժամանակ քիմիական նյութերի առողջությանը վնաս հասցնելու ռիսկի որոշումը (շնչուղիներ, մաշկի, լորձաթաղանթի, աչքերի կամ ստամոքսի մեջ ընկնելու հետևանքով);</p> <p>խաղալիքներից քիմիական նյութերի միգրացիայի մակարդակի և արտազատման որոշում:</p> <p>3.Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4.Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>
3	<p>Օձանելիքակոսմետիկական արտադրանքի 24 փորձանմուշի փորձարկում</p> <p>Հետևյալ ցուցանիշների համար</p> <p>բ.Ֆիզիկաքիմիական ցուցանիշների որոշում;</p> <p>գ.Մանրէաբանական ցուցանիշների որոշում;</p> <p>դ.Թունավոր տարրերի պարունակության որոշում;</p> <p>3.Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4.Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>

5	<p>Դիզելային վառելիքի 40 փորձանմուշի փորձարկում /հետևյալ ցուցանիշների համար՝ Ցեփանային թիվը Ծծմբի զանգվածային մասը Բռնկման ջերմաստիճանը փակ հալքանոթում Ֆրակցիոն կազմը</p> <p>3. Համապատասխանության գնահատման մարմինը պետք է լինի հավատարմագրված և նշանակված համաձայն հավատարմագրման մասին օրենքի և 2012թ սեպտեմբերի 6-ի կառավարության 1201-Ն որոշման:</p> <p>4. Փորձարկումների իրականացում համաձայն տեխնիկական կանոնակարգի կիրարկումն ապահովող ստանդարտների ցանկում ընդգրկված ստանդարտներին համապատասխան:</p>
---	---

Նույն արձանագրությամբ արձանագրվել է, որ «Ստանդարտների ազգային ինստիտուտ» ՓԲԸ-ի կողմից 31.05.2019թ. ներկայացվել են ՎԱՇՎՏՄ-ԳՀԾՁԲ-19/6-1 ծածկագրով պայմանագրի ապահովումը և ստորագրված, կնքված պայմանագրի երկու օրինակ, որոնց տեխնիկական բնութագրերը չեն համապատասխանում հրավերով սահմանված տեխնիկական բնութագրերին, ուստի հիմք ընդունելով Օրենքի 36-րդ հոդվածի 4-րդ կետը պայմանագիրը չի ընդունվել և մասնակցին առաջարկվել է շտկել պայմանագրի անհամապատասխանությունները, սակայն սահմանված ժամկետում Ընկերությունը չի ներկայացրել շտկված պայմանագիր:

Այսպիսով՝ ՀՀ գնումների հետ կապված բողոքներ քննող անձ Գրիգոր Ներսիսյանս ուսումնասիրելով «ՎԱՇՎՏՄ-ԳՀԾՁԲ-19/6-1» ծածկագրով գնանշման հարցման ընթացակարգի տեխնիկական բնութագիրը՝ սույն գործի քննության առարկա հանդիսացող չափաբաժինների մասով, «Ստանդարտների ազգային ինստիտուտ» ՓԲԸ-ի կողմից հայտի թիվ 4 հավելվածով ներկայացված գնային առաջարկը և Ընկերության կողմից կնքված, ստորագրված և Պատվիրատուին ներկայացված պայմանագրի նախագիծը, արձանագրում են հետևյալը.

Ընկերության կողմից հայտի թիվ 4 հավելվածով՝ գնային առաջարկով և Ընկերության կողմից կնքված, ստորագրված և Պատվիրատուին ներկայացված պայմանագրի նախագծի թիվ 1 Հավելվածով հաստատված տեխնիկական բնութագրերը նույնական են, այսինքն՝ Ընկերության կողմից ի սկզբանե ներկայացված գնային առաջարկով առաջարկվել է Հրավերի պայմանագրի նախագծի N 1 հավելվածով սահմանված տեխնիկական

բնութագրից տարբերվող գնման առարկա, այսինքն՝ Ընկերության կողմից յուրաքանչյուր չափաբաժնի մասով ներկայացվել է գին հրավերի տեխնիկական բնութագրի միայն այն փորձարկումների տեսակների համար, որոնք որ վերջինս պատրաստվում էր իրականացնել պայմանագիրը կնքելուց հետո:

Փաստացի Ընկերությունը չի հրաժարվել պայմանագիր կնքելուց, ավելին 31.05.2019թ. Ընկերությունը Պատվիրատուին է ներկայացրել կնքված և ստորագրված պայմանագրի նախագիծ իր կողմից նախապես գնային առաջարկով ներկայացված պայմաններով, որոնք, որ ի սկզբանե ընդունվել են Պատվիրատուի կողմից և վերջինս ճանաչվել է ընտրված մասնակից:

Այսպիսով, Կարգի 40-րդ կետի 4-րդ ենթակետը սահմանում է, որ հայտերի բացման նիստում հանձնաժողովը մերժում է այն հայտերը, որոնցում բացակայում են **գնային առաջարկը** և (կամ) հայտի ապահովումը կամ եթե դրանք **ներկայացված են հրավերի պահանջներին անհամապատասխան:**

Այսպես վերը նշված նորմերը հստակ սահմանում են, որ այն դեպքում, երբ գնային առաջարկը չի համապատասխանում հրավերի պահանջներին, ապա այն ենթակա է մերժման և տվյալ դեպքում Կարգի 41-րդ կետով նախատեսված շտկման հնարավորությունը չի գործում:

Նման պայմաններում գտնում եմ, որ Ընթացակարգի գնահատող հանձնաժողովը ի սկզբանե հայտերի գնահատման նիստում պետք է մերժեր Ընկերության հայտը, քանի որ վերջինիս կողմից գնային առաջարկը ներկայացվել է հրավերի պահանջներին անհամապատասխան:

Օրենքի 6-րդ հոդվածի 1-ին մասի 6-րդ կետի «ա» ենթակետի համաձայն՝ մասնակիցը ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Նման պայմաններում, գտնում եմ, որ «Ստանդարտների ազգային ինստիտուտ» ՓԲԸ-ն «ՎԱՇՎ.SU-ԳՀԾՁԲ-19/6-1» ծածկագրով ընթացակարգի շրջանակներում թույլ չի տվել ստանձնած պարտավորության խախտում, հետևաբար Ընկերությանը գնումների

գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 19.06.2019թ. թիվ 26/10294-2019 գրությամբ «Ստանդարտների ազգային ինստիտուտ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ